

Schwarz-Schilling prisustvuje ministarskom sastanku EU-Zapadni Balkan u Briselu



Visoki predstavnik i specijalni predstavnik Evropske unije Christian Schwarz-Schilling učestvuje na ministarskom sastanku o zapadnom Balkanu, koji se danas održava u Briselu.

Na ovom sastanku na kojem učestvuju ministri vanjskih poslova zemalja članica Evropske unije i ministri vanjskih poslova zemalja zapadnog Balkana, uključujući Svena Alkalaja, novog ministra vanjskih poslova Bosne i Hercegovine, biti će razgovarano o odnosima Evropske unije i zapadnog Balkana te široj regionalnoj suradnji.

Pored ministara vanjskih poslova sastanku prisustvuju i visoki predstavnik Evropske unije za zajedničku vanjsku i sigurnosnu politiku Javier Solana, komesar Evropske unije za proširenje Olli Rehn, i koordinator Pakta za stabilnost Erhard Busek.